

КОМПАНИЯ ТУРАЛЫ

Компания бейіні	16
Бизнес-модель	20
Құн құру тізбегі	22



ҚазМұнайГаз
NATIONAL COMPANY ЖҰЛТҒЫҚ КОМПАНИЯСЫ



БОЛАШАҚҚА
ИНВЕСТИЦИЯ

КОМПАНИЯ БЕЙІНІ

GRI 2-1

«ҚазМұнайГаз» ұлттық компаниясы» акционерлік қоғамы – көмірсутектерді барлау мен өндіруден, оларды тасымалдау мен өңдеуден бастап, мамандандырылған сервистік қызметтер көрсетуге дейінгі толық өндірістік циклді жүзеге асыратын тігінен интеграцияланған мұнай-газ компаниясы.

ҚМГ «Ел экономикасының мұнай-газ секторында мемлекеттің мүдделерін одан әрі қамтамасыз ету жөніндегі шаралар туралы» Қазақстан Республикасы Президентінің 2002 жылғы 20 ақпандағы №811 Жарлығына және «Қазақстан

Республикасы Президентінің 2002 жылғы 20 ақпандағы №248 Жарлығын іске асыру жөніндегі шаралар туралы» Қазақстан Республикасы Үкіметінің 2002 жылғы 25 ақпандағы №811 қаулысына сәйкес құрылды. ҚМГ «Қазақойл» ұлттық мұнай-газ компаниясы», «Мұнай және газ көлігі» ұлттық компаниясы» жабық акционерлік қоғамдарының және «ҚазМұнайГаз – өңдеу және маркетинг» акционерлік қоғамының құқықтық мирасқорына айналды. ҚР Үкіметі атынан ҚР Қаржы министрлігінің Мемлекеттік мүлік және жекешелендіру комитеті ҚМГ құрылтайшысына айналды.

АКЦИОНЕРЛІК КАПИТАЛ ҚҰРЫЛЫМЫ

2024 жылғы 31 желтоқсандағы жағдай бойынша ҚМГ акционерлері:

67,42%



«Самұрық-Қазына» ұлттық әл-ауқат қоры» акционерлік қоғамы

9,58%



«ҚР Ұлттық Банкі» Республикалық мемлекеттік мекемесі

20%



«Қазақстан Республикасының Қаржы министрлігі» Республикалық мемлекеттік мекемесі

3%



KASE және AIX биржаларындағы еркін айналымдағы акциялар

ТОП ҚҰРЫЛЫМЫ

ҚМГ тобына ҚМГ тікелей немесе жанама түрде дауыс беретін акциялардың (үлестердің) 50%-дан астамына иелік ететін 105 компания кіреді. Оның ішінде 55 компания Қазақстанда, қалған активтер Румынияда, Грузияда, Швейцарияда, Нидерландыда, Канадада, Болгарияда, Молдовада, Ресейде, Түркияда, Ұлыбританияда, Германияда, БАӘ-де, Гибралтарда, Британ Виргин аралдарында, Маршалл аралдарында, Багам аралдарында және Мэн аралында орналасқан.

ТОП ҚҰРЫЛЫМЫНДАҒЫ ӨЗГЕРІСТЕР

Топтағы заңды тұлғаларды қысқарту, оның ішінде ЕТҰ тарату/қайта ұйымдастыру есебінен қысқарту жекешелендіру бағдарламалары мен дивестициялар шеңберінде жүргізіледі.

ҚМГ жекешелендірудің 2021–2025 жылдарға арналған жаңартылған кешенді жоспары мыналарды қамтиды:


- сатылатын 53 компания;
- ҚМГ IPO периметріне енгізілген 94 компания;
- Өткізу және қайта ұйымдастыру тәртібі мен шарттарын «Самұрық-Қазына» АҚ Басқармасы белгілейтін ҚМГ тобы бойынша 7 компания.

2024 жылғы 13 қарашада ҚМГ Директорлар кеңесі 2024 жылдан 2025 жылға дейін 7 компанияны шығаруды көздейтін ҚМГ стратегиялық емес активтерінің жаңартылған тізбесін бекітті. 2024 жылғы тізімге сәйкес:


- 2 компания таратылды (Snow Leopard International Inc., «ҚМГ-Устюрт» ЖШС);
- 2 компанияда қатысу үлестері іске асырылды («Karaton Operating Ltd.» ЖК, «Силлено» ЖШС).

Бұдан басқа, 2024 жылы дауыс беретін акциялардың (қатысу үлестерінің) елу және одан да көп пайызы тікелей немесе жанама түрде ҚМГ-ға тиесілі компаниялар тізіміне кірмейтін мынадай компаниялар шығарылды/құрылды.

- 3 компания таратылды («АқтауОйлМаш» ЖШС, Caspi Meruerty Operating Company B.V., BIO ADVANCED ENERGY SAS);
- 2 компания құрылды (Mangistau Power B.V., Mangistau Renewables B.V.).



ҚЫЗМЕТ ГЕОГРАФИЯСЫ



БАС КЕҢСЕ

ҚМГ Астана қаласында орналасқан, сондай-ақ
Ақтау қаласында өкілдігі бар.



БИЗНЕС-МОДЕЛЬ

Бәсекелік артықшылықтар

- Бірегей географиялық орналасу.
- Құн жасау тізбегінің барлық кезеңдерінде толық интеграция.
- Қаржылық тұрақтылық.
- Тауарлы активтер портфелінің әртараптандырылуы.
- Қазақстандағы мұнай тасымалдау саласындағы көшбасшылық ұстаным.
- Заманауи мұнай өңдеу зауыттары.
- Мұнай-химия жобалары – Компанияның жаңа өсім драйвері.
- Заманауи корпоративтік басқару жүйесі және орнықты даму қағидаттарына бейілділік.

Қызмет бағыттары



Көмірсутектерді барлау және өндіру:

ҚМГ мұнай мен газ кен орындарын барлау және игерумен айналысады, тұрақты өндіру көлемін қамтамасыз етіп, тартымды өсу әлеуеті бар әртараптандырылған активтер портфеліне ие.



Мұнай мен газды тасымалдау:

Компания Қазақстандағы мұнай тасымалдау жобаларының барлығына қатысады, нарықтың 56%-ын иеленіп, газ тасымалдау инфрақұрылымының елеулі бөлігін басқарады.



Мұнай мен мұнай өнімдерін қайта өңдеу және өткізу:

ҚМГ Қазақстандағы төрт ірі мұнай өңдеу зауытын және Румыниядағы екі зауытты бақылайды, ішкі және сыртқы нарықтарда мұнай өңдеу және өнім өткізу қызметін жүзеге асырады.



Мұнай-химия:

ҚМГ мұнай-химия саласындағы жаңа бағыттарды дамытып жатыр, соның ішінде полипропилен өндіру зауыты іске қосылып, полиэтилен өндіру жобасы әзірленуде.



Сервистік қызметтер:

Компания өндірістік қуаттардың үздіксіз жұмыс істеуін қамтамасыз ету мақсатында техникалық қызмет көрсету және жабдықтарды жөндеу бойынша қызметтер ұсынады.



Стратегиялық басымдықтар



Ресурстық базаны ұлғайту:

Дәстүрлі қызмет пен болашағы бар бағыттарды қамтамасыз ету үшін жеткілікті қор қалыптастыру.



Құн тізбегінің тиімділігін арттыру:

Өндіру, тасымалдау, өңдеу және маркетинг қызметтеріндегі кірісті ұлғайту.



Бизнесті әртараптандыру және өнім портфелін кеңейту:

Мұнай-химия бағыттарын дамыту арқылы жаңа қуаттарды іске қосу.



Орнықты даму және көміртегі ізін азайту:

Көміртегі ізін кезең-кезеңмен қысқарту және энергия үнемдейтін технологияларды енгізу.

Мүдделі тараптар



Акционерлер: Өндірістік көрсеткіштердің тұрақты өсуін қамтамасыз ету. Корпоративтік басқарудың жоғары деңгейі.



Инвестициялық қауымдастық:

Инвестициялардың табыстылығы, ашықтық, ESG тәжірибелерін енгізу.



Мемлекет:

Қазақстан экономикасының дамуына салықтық түсімдер, экспорттық табыс және шетелдік инвестицияларды тарту арқылы үлес қосу.



Қызметкерлер: Қауіпсіз және қолайлы еңбек жағдайларын жасау, әлеуметтік кепілдіктер, лайықты жалақы және кәсіби даму мүмкіндіктері.



Қоғам: Халықтың өмір сүру сапасын арттыру мен қоршаған ортаны қорғауға бағытталған әлеуметтік және экологиялық бастамаларды іске асыру.



Тұтынушылар мен серіктестер:

Жоғары сапалы өнімдер мен қызметтерді ұсыну, ұзақмерзімді және сенімді әріптестік қатынастарды қолдау.




Мердігерлер:

Сатып алулардың ашықтығы, ынтымақтастықтың әділ шарттары және нысандардағы қауіпсіздік.

ҚҰН ҚҰРУ ТІЗБЕГІ

GRI 2-6




МҰНАЙ МЕН ГАЗДЫ ӨНДІРУ, ТАСЫМАЛДАУ ЖӘНЕ ӨТКІЗУ

2024 жылы ҚМГ 23 837 мың тонна мұнай мен газ конденсатын өндірді (тәулігіне 490 мың баррель), бұл өткен жылмен салыстырғанда 1,3%-ға артық. Ілеспе және табиғи газды өндіру көлемі (кері айдау көлеміне дейін) 1,0%-ға ұлғайып, 9 554 млн м³-ге жетті.

Мұнайды магистральдық және теңіз арқылы тасымалдаудың жалпы көлемі 3,9%-ға өсіп, 83 478 мың тоннаны құрады.

Меншікті өндірілген мұнай мен газ конденсатын өткізу көлемі 1,4%-ға 24 019 мың тоннаға дейін ұлғайды, оның 64,5%-ы экспортталды.

Ішкі нарықтың қажеттіліктерін өтеу мақсатында ҚМГ-ның меншікті мұнайы мен газ конденсаты бойынша жеткізілім көлемі 8 519 мың тоннаны құрады, оның ішінде: 5 224 мың тонна шикі мұнай (операциялық активтерден – «Өзенмұнайгаз» АҚ, «Ембімұнайгаз» АҚ, «Қазақтүрікмұнай» ЖШС) Атырау мұнай өңдеу зауытына (АМӨЗ), Павлодар мұнай-химия зауытына (ПМХЗ) және Шымкент мұнай өңдеу зауытына (ПетроҚазақстан Ойл Продактс – ПҚОП) одан әрі қайта өңдеу және мұнай өнімдерін өткізу үшін бағытталды.



МҰНАЙ ӨНІМДЕРІН ҚАЙТА ӨНДЕУ ЖӘНЕ ӨТКІЗУ

Қазақстандық және румындық зауыттардағы мұнай өнімдерін өндіру көлемі 17 949* мың тоннаны құрап, 1,3%-ға¹ төмендеді.

ҚМГ-ның меншікті мұнай өнімдерін көтерме өткізу көлемі 6,7%-ға артып, 5 272 мың тоннаға жетті. Бұл өсім «Өзенмұнайгаз» АҚ және «Ембімұнайгаз» АҚ тарапынан мұнай жеткізілімі

көлемінің ұлғаюымен, сондай-ақ 2023 жылдан өткен дизель отынының қалдықтары есебінен қосымша көлемдердің өткізілуімен байланысты.

¹ Мұнай өнімдерін өндіру жөніндегі орнықты даму есептердегі деректер 2024 жылғы өндірістік нәтижелерге (жедел есепте) енгізілмеген өзге де мұнай өнімдерін (Нафта, газойл және басқалар) қамтиды.